



**ყურადღებით გაეცანით იგავ-
არაკს „მგელი და კრავი“ და დასმულ კითხვებზე
შეარჩიეთ სწორი პასუხები**

**1. მგელი და კრავი მდინარის პირას შეხვდნენ ერთმანეთს. რა
უნდოდა კრავს მდინარის პირას?**

დასცხა და წყალი მოსწყურდა;

დედას გამოეპარა საბანაოდ;

თამაშით დაიღალა და ისვენებდა წყლის პირას.

2. რა უნდოდა მგელს მდინარის პირას?

თავის დაკარგულ შვილებს ეძებდა და შემთხვევით აღმოჩნდა
მდინარესთან;

კრავს კვალში უდგა და მდინარემდე მისდია;

იქვე მშვიერი დაძუნძულებდა და უეცრად სუნი ეცა.

3. რას ნიშნავს ფრაზა „გამოიგონა შარები“?

შური აღეძრა;

ცილი დასწამა;

შაირები მოიგონა.

4. რატომ გადაწყვიტა მგელმა კრავის დადანაშაულება?

კრავი მართლაც დამნაშავე იყო და მისთვის ჭკუის სწავლება უნდოდა;

მისი შეჭმა უნდოდა;

კრავის გაბრაზება უნდოდა.

5. რომელი ბრალდება წაუყენა მგელმა კრავს?

ძალიან ხმამაღლა კიკინებ და ძილს მიფრთხობო;

წყალს მიმღვრევ და აღარად მაგდებო;

ჩემი ბუნაგიდან საჭმელი მომპარეო.

6. ვის ეკუთვნის სიტყვები: „შე ბრიყვო“, „ნუ წაგიგდია ენაო“, „ხმა ჩაიკმინდე“?

ავტორს;

მგელს;

კრავს.

7. რას იშველიებს მგელი თავისი თავხედობისა და უტიფრობის გასასამართლებლად?

კანონსა და სამართალს;

ნადირთა მეფის ნათქვამს კრავის შესახებ;

სიზმარში ნანახს.

8. შეარჩიე აზრი, რომლითაც კრავი ხასიათდება:

შეშინებულია და მგლის ბრალდებებს აბნეულად პასუხობს;

მგლის ბრალდებებს თავდახრილი და ჩუმად ისმენს;

მგლის ბრალდებებს ჭკვიანურად და დასაბუთებულად სცემს პასუხებს.

9. რა ჰქვია საუბრის ფორმას, რომელიც გამოყენებულია ამ იგავ-არაკში?

მონოლოგი;

დიალოგი;

პოლილოგი.

10. შეარჩიე სტრიქონი, რომელშიც გადმოცემულია იგავის დედააზრი(მთავარი სათქმელი)

„თქვენ ზევითა ხართ, მე-ქვევით, როგორ აგიმღვრევთ წყალსაო“;

„შენი ჩაკვრება რომ მნებავს, მიზეზად ისიც კმარაო“;

„დიდ კაცთან პატარა კაცსა როდის გასვლია მართალი?“

